

西南稀見叢書文獻

第十五卷

中國西南文獻叢書



中國西南文獻叢書·第二輯

西南稀見叢書文獻

第十五卷



本輯主編：戴文年

陳訓明

陳琳

【民國】任可澄等
輯

黔南叢書

十五

世
界
人
類
共
同
的
家
園

本卷目錄

平黔紀略 上 [清]羅文彬 王秉恩撰……………一

黔南叢書

【清】羅文彬 王秉恩 撰

平黔紀略

上

黔南叢書第五集

平黔紀略

據羅氏家藏鈔本校印

平黔紀畧序

黔中疆域雖闢自秦漢然苗蠻雜處僅事羈縻歷代變亂迭興未遑遠畧土官世襲多仍其舊迨鴉音向化漢族漸多元代設官始粗具規模明置布政司乃列行省改土歸流之制逐漸推行苗族遂日以衰落然以世守基業不獲保全獷悍之徒不得不狡焉思逞以是數十百年必有一大亂致煩勞師遠征而餉需銷耗人口之散亡實不可以數計時代既遠紀述不詳故明以前苗亂始末未有專書僅於正史別錄畧見梗概而已綜計

全黔形勢東起湘邊西訖滇境橫貫其中千數百里爲
驛程大道素稱坦途北則接壤川疆開化亦早惟南通
粵西之路山川阻深灌莽叢棘所在梗塞凡屬生苗概
不與漢族接近惟熟苗則尙有交通如劍河榕江一帶
自來王化不及人跡罕至載籍雖有著錄者清雍正中
彼族據險作亂蔓延浸廣總督爾泰專任將官張廣泗
假以全權次第削平夷爲郡縣四通八達之規於是成
立是役用兵數載爲苗疆實行統一之勝利雖版圖式
廓鐵柱銘勳曾不如李化龍之勳定黔北尙有平播全

書之紀殊可惜也自是安定者又踰百有餘年中間雖
偶有變故不久即平至咸豐初洪楊突起中原多故無
餘力顧及邊方而黔亂乃亟初發輒於遵義漸次徧於
全省殺戮之慘流亡之酷蓋幾有周遺靡孑之痛焉其
時股匪繁多名號紛復縱橫交錯出沒無常苗族勢力
擴張實占重要部分其餘亦乘機煽動各自稱強所幸
舉事者雖屬梟雄仍是酋長部落故技無遠大之智識
以圖進取即使官方孱懦餉絀兵單危機四伏而省垣
卒獲安堵得以措施一切惟上下游

需俗稱省以西爲上
游省以東爲下游

城邑殘破無一完區所苦者獨編戶之氓耳此次之亂始咸豐迄同治首尾凡二十年事定之後黔撫湘潭黎文肅飭貴東道龍陽易笏山佩紳先生總紀其事以備考易先生長於文學特延聘貴陽羅賀庵文彬華陽王雪澄秉思兩先生專任編輯當時奏章公牘尙皆完整兩先生熟悉史事洞見本原竭數寒暑之力得告成功願以政府更迭未經刊布僅羅王兩先生處各有鈔本一份民國八年丁巳通志局開始愚亦承乏其間局中甚欲覓得此書以爲根據而典守者視爲秘寶不以

示人丁卯歲三合胡君羽高任貴陽縣長倡議修縣志多方計畫煞費苦心始將此書取得亟付文通書局排印而限於時日倉卒鈔寫缺少精校訛誤既多更有錯簡俾閱者如墮五里霧中未能滿意誠屬遺憾去歲本館刊印叢書五集卽主張以此爲先借鑒徵求黔故者之望幸愚於羅氏本屬世交乃於質庵先生喆嗣霞卿處假獲原本囑館中同事柴君曉蓮取胡君所印與此本對勘將紛錯處詳加改正俾無訛脫始行印出此集專載史部附以關於史事者數種共成一集用特詳敘

弁紳民建策陳言或熟地道或諳賊情或指陳利弊
或籌畫久遠無論行否酌爲甄錄以著他日情事以
備後來采擇

全書體例畧仿通鑑惟無自案語竊取諭旨以爲裁斷
其有指授方畧及申飭臣下之文敬謹恭錄以見功
有專歸莫敢貪爲己力咎無旁貸無從著一曲筆若
夫上司本營之申飭同僚紳民之指陳亦附著一二
凡皆據事直書不以意爲增省惟恭錄諭旨中其一
件中有牽涉他事與本書無關者不無節取要以片

段爲起止不敢字句有刪塗其奏摺則畧加修潤以歸畫一以省篇幅故以畧曰別之

初纂此書出於衆手事蹟既多割裂棄取時有異同或始畧而終具或見首而遺尾纏複矛盾錯訛參差難歸一是後重核奏案稟報增補刪潤鈎勒移併四五改纂始少就緒復仿紀事本末逐事分門貫穿首尾用免淆譌若欲考究一事始終者但自標識讀之亦可聯屬成文

事事書日動多牽掣必至以一事分爲數段益覺支離

此書傳布源委以見凡成一事者之不易至書中概係紀實絕少鋪張詳而不穢簡而有要深於文義者當自知之不待煩言矣

民國二十七年戊寅季春安順楊恩元序

例言

設局官修之書非同私家紀載自以奏摺爲憑取備他日國史方畧采擇庶歸一致以免差歧惟現存奏摺極力搜羅仍屬缺如討問厥繇或攜載歸橐或斷爛積塵本來曲折末由貫串故創藁之初先爲長編卽二十年奏報括取無遺其不具者乃泝之稟報又由本人稟報參考他稟報以及鄰省咨移州縣采訪比附證校折衷一是不執成見不主一說間有大異者卽兩存之然字字皆有來歷不敢臆造武斷其有官